

Leec Feih Liil Menc

腓利门书

Haemk Lail

¹Baox Loc mungx yenv yuih Jih Duc Yeeh Suh douh daems jah daengh jaix nongx maoh Tiic Moh Taip, xap senk dos Feih Liil Menc mungx jiul eiv、nyimp jiul gaenx weex ongl jah, ²daengh jaix nongx miegs daol Yal Feih Yal eengv daengh Yal Jih Bul mungx nyimp jiul gaenx weex bingl yongx jah, buh eengv daengh wagx juml nyaoh yanc nyac jah. ³Dogc liangp singc qaenp、taik biingc, dah Bux Wangc Menl daengh Xus Yeeh Suh Jih Duc daol wunx dos xaop.

Sais Liangp Daengh Senk Sais Feih Liil Menc

⁴Yaoc yogc yuih xic jah wah touk nyac, bens yenv yuih nyac keep singc Wangc Menl yaoc; ⁵yenv yuih qingc wah nyac nyimp Xus Yeeh Suh daengh lagx bings singh lis sais liangp lis senk sais. ⁶Dogc liangp nyac daengh menv nyenc gaenx lis menv senk sais jah xeenk ugs duil demh map, aol nyenc wox xaop weex menv oil hangc oil yangh siih lail jah ledp JANGS wil Jih Duc weex. ⁷Jaix nongx ax, yaoc yenv yuih sais liangp nyac, xeengp sais gungc, lis xoik sais

问候

¹为基督耶稣被囚的保罗同兄弟提摩太，写信给我们所亲爱的同工腓利门，²和妹子亚腓亚，并与我们同当兵的亚基布，以及在你家的教会。³愿恩惠、平安，从神我们的父和主耶稣基督归与你们。

腓利门的爱心和信心

⁴我祷告的时候提到你，常为你感谢我的神；⁵因听说你的爱心，并你向主耶稣和众圣徒的信心（或作“因听说你向主耶稣和众圣徒有爱心、有信心”）。⁶愿你与人所同有的信心显出功效，使人知道你们各样善事都是为基督做的。⁷兄弟啊，我为你的爱心，大有快乐，大得

gungc, yenv yuih sais longc douc lagx bingsingh dah wul xenp nyac lis sais maengx.

Baox Loc Qik Ah Nic Xih Mol Qouc

⁸Yaoc baengh Jih Duc ams songk bov paik lis nyac bail weex menv siih douh xebp jah ⁹(yaoc Baox Loc nyinc jix il naih pangp yangx, xic naih yuh JANGS yenv yuih Jih Duc douh daems); wah map yaoc buh haengt baengh sais liangp qouc nyac, ¹⁰laengx JANGS qik Ah Nic Xih Mux lagx yaoc qouc nyac. Yaoc nyaoh douh sugx douh sot xic jah sangx lis maoh. ¹¹Maoh xic unv nyimp nyac MEEC LIS benh lail, xic naih nyimp nyac nyimp yaoc ledp LIS benh lail. ¹²Yaoc xic naih paik maoh ags xonv touk aox nyac bail, maoh JANGS nyenc aox longc yaoc. ¹³Yaoc bens LIS sais douv maoh luh map, nyaoh yaoc wil sungp lail douh sugx douh sot xic jah qik nyac bonc buih yaoc. ¹⁴Jav MEEC wox nyac weex nup xangk, yaoc laengx MEEC haengt il naih weex, aol menv sais lail nyac MEEC JANGS ugs dah biigs gaic, bens ags mas sais haengt weex. ¹⁵Maoh gobs lic nyac il buh, MEEC XIH JANGS aol nyac lis maoh jaengl yais; ¹⁶MEEC eengv JANGS lagx eit, xah JANGS pangp dah lagx eit, JANGS jaix nongx yaoc eiv jah; nyaoh yaoc nyaengc JANGS il naih, naengl yuv wah touk nyac il? Menv naih buh MEEC heenk JANGS XAOL xenp nanx wah, JANGS XAOL Xus wah.

¹⁷Nuv baov nyac deic yaoc weex biingc banx, laengx sibs xup maoh, xongs sibs xup yaoc laot yangh. ¹⁸Nuv baov maoh lis kuip nyac, MEEC XIH xiut nyac duc mangc, ledp wunx dos wul xenp yaoc, ¹⁹yaoc jingh beis nyac. Menv naih

安慰，因众圣徒的心从你得了畅快。

保罗为阿尼西母请求

⁸我虽然靠着基督能放胆吩咐你合宜的事；⁹然而像我这有年纪的保罗，现在又是为基督耶稣被囚的，宁可凭着爱心求你，¹⁰就是为我在捆锁中所生的儿子阿尼西母（此名就是“有益处”的意思）求你。¹¹他从前与你没有益处，但如今与你我都有益处。¹²我现在打发他亲自回你那里去，他是我心上的人。¹³我本来有意将他留下，在我为福音所受的捆锁中替你伺候我。¹⁴但不知道你的意思，我就不愿意这样行，叫你的善行不是出于勉强，乃是出于甘心。¹⁵他暂时离开你，或者是叫你永远得着他；¹⁶不再是奴仆，乃是高过奴仆，是亲爱的兄弟；在我实在是如此，何况在你呢！这也不拘是按肉体说，是按主说。

¹⁷你若以我为同伴，就收纳他，如同收纳我一样。¹⁸他若亏负你，或欠你什么，都归在我的帐上，¹⁹我必偿还。这是我保罗亲笔

JANGS yaoc Baox Loc ags nyaeml biedl xap jah. Yaoc buh MEEC yongh nyimp nyac wah, lieenc nyac buh JANGS kuip xiut yaoc. ²⁰Jaix nongx ax, dogc liangp nyac aol yaoc nyaoh aox Xus jah GAIV nyac up naengl; eengv liangp nyac aol sais longc yaoc nyaoh aox Yeeh Suh Jih Duc lis sais anl wanp. ²¹Yaoc xap senk dos nyac, nyaengc senk nyac jingh qingc sungp, wox menv nyac yuv weex jah, jingh louk dah menv yaoc wah jah.

²²Naengl GAL nyac naengl yuv nyimp yaoc daengv beenh doiv nyaoh, yenv yuih yaoc dos sais baengh xaop yogc yuih jingh lis singc touk aox xaop bail.

Lenx Peep Haemk Lail

²³Yix Bah Fuc yenv yuih Jih Duc Yeeh Suh nyimp yaoc gaenx suiv laoc jah nyimp nyac hamk lail. ²⁴Max Koh、Yal Liix Dac Gux、Diix Max、Lul Jah nyimp yaoc gaenx weex ongl jah buh ledp nyimp nyac hamk lail. ²⁵Dogc liangp singc qaenp Xus Yeeh Suh Jih Duc daol bens nyaoh aox longc nyac. Ah Menx.

写的。我并不用对你说，连你自己也是亏欠于我。²⁰兄弟啊，望你使我在主里因你得快乐（或作“益处”）；并望你使我的心在基督里得畅快。²¹我写信给你，深信你必顺服，知道你所要行的，必过于我所说的。

²²此外，你还要给我预备住处，因为我盼望借着你们的祷告，必蒙恩到你们那里去。

最后的问安

²³为基督耶稣与我同坐监的以巴弗问你安。²⁴与我同工的马可、亚里达古、底马、路加也都问你安。²⁵愿我们主耶稣基督的恩常在你的心里。阿们。